

Մ Ա Յ Ր Դ Ի Ի Ա Ն

ՄԻԻԹԱՐԵԱՆՑ ՎԵՆԵՏԿՈՑ. - Ի Ս. ՂԱԶԱՐ

(Շար. տես թազմ. 1922 էջ 158)

ԺԸ.

Դե՛ռ աւելի մանրամասն և որոշ տեղեկագրութիւն մը կ'ընէ Բարդղղիմէոս վարդապետ Հին Տոմարի փոփոխութեան շուրջ՝ իր հետեւեալ նամակով. Ունի երրորդ թուղթ մ'ալ նոյն տարւոյ յուլիս 14-ին գրուած առ Մխիթար, յորում կրկին կը դառնայ մի և նոյն հարցերուն շուրջ. զայն աւելորդ կը նկատենք հրատարակել:

Գերապատուելի և ունենաւորելի տեսա՛ն տեսա՛ն
Մխիթար վարդապետի և Արարչի

.... Լուեալ իմ և ի միասին ուրախացեալ թէ գերապատուելի Խաչատուր աստուա-
ծաբանութեան վարդապետն հրամանաւ սուրբ Ժողովին գնացեալ դէպ ի Վիէնայ առ ի
ձեռնադրիլ ի նուցիէն Եպիսկոպոս մաճառի յերկրին ի վերայ Հայոց ի տեղի Սգննորոս
ի տէր հանգուցեալ Եպ.ին, բայց ոչ զիտելով հաւատսին, երկբայացեալ կամ¹. ուստի
աղաչեմ զտէրութիւնդ, զի զճմարիտն ծանուցես, զի ուրախութիւն իմ կատարեալ լի-
ցի, և զայլ ինչ նորագոյն բան հանդիպիցի այդր խնդրեմ իմանալ: Ինձ թուի թէ նա-
ցեալ գրին իմոյ զրեալ եմ Եղբայրութեանդ շուրջ զտէգոթօրին, զոր ընկալայք ի սուրբ
Ժողովոյն. բայց բազմիցս խնդրեցի. և տէրութիւնդ խոստացաւ կատարել: Կրեալ էի
սիրելութեանդ՝ թէ ոմանք հակառակելով արգիլեցին առ ի կատարել զտօնախմբու-
թիւնսն ընդ լաթինացւոց, և մանաւանդ զայստնութիւն տեսան, զոր պարտէաք առնել
ի Գ. յունվարի ըստ նոր տօմարին. այլ հայք խռովիչք դիմեցին առ արքեպիսկոպոսն
Փիւսոյ, թէ մեք բոլիլիէճիօ ունիմք ի Հոսմայ գնալ ըստ Հին տօմարին, և թէ ոչ, մեք
ալ չեմք իտար ըստըռլան եկեղեցւոյ. և տեսեալ եպիսկոպոսին խռովութիւնսն Հայոց, և
ինքն ոչ կամելով խռովութեան զճայն լսել, զրեաց ինձ թէ որպէս յառաջուց թույլ-
տուութիւն կայր Հայոց, այսպէս թոյլ տուր այժմ գնալ ըստ Հին տօմարին, ուստի
հարկադրեալ կրկին կատարեցի զտօնախմբութիւնսն: Բայց ըստ պարտականութեան իմոյ
ծանուցի սուրբ Ժողովին, որ և զրեաց Արքեպիսկոպոսին, և ինձ զովաբանելով զհնա-
գանդութիւն իմ և զխոհմտութիւն Արքեպիսկոպոսական և հրամայեաց նմա օգնել ինձ,
զի և ես կարիցեմ այսուհետեւ ի միասին ըստ լաթինացւոց կատարել զտօնս: Եւ ելեալ
զնացի Փիւսոյ, և զկնի բազում խօսակցութեան, առի հրաման ի նմանէ ձեռագրով իւրով,
զի այսուհետեւ, որպէս սուրբ Ժողովն հրամայեալ է՝ առնիցեմ. և Եպիսկոպոսն հրամա-
յեաց կատարել, և հայոց հնազանդիլ. արդ այժմ սկսեալ ի գիւտ Խաչն միատեղ կու

1. Խաչատուր վարդապետ 1719ին Ս. Աթոռին կողմանէ այցելու զԿիւսած էր ի Դրանսիականիս. այս ծա-
մանկներէ է որ կը ծագի Ժողովրդեան մէջ այդ շփոթութիւնը (տես Հ. Յ. Թորոսեանի Վարք Միտթարոյ):

կատարեմ զամենայն սոսնս տէրունական, աստուածածնայ, առաքելոց, և զամենայն հրամայեցեալ սոսնս, և զայլ օրերի ըստ Հայոց սոմարին, կամ Հայրապետաց, կամ մարտիրոսաց...

Թուին Փրկչին 1719 մայիսի 22
յալիկունայ

տէրութեան քո
ծառայ Բարդղղիմէոս վարդապետ
միսիոնար առաքելական

ԺԹ.

Ստեփանոս Աստուածատուրի մէջ ուրիշ նամակին մէջ հետեւեալ հետաքրքրական ու պատմական տեղեկութիւնները կը գտնենք:

Գերյարգելոյ Հօրդ իմում ի Քրիստոս Աբրա Միսրար
Աստուածաբանութեան վարդապետի ողջոյն յիսուսաւանդ

... Գետ այսորիկ յայտ լիցի գերյարգելութեանդ նաև դիպուածս այս որ յաղագս ապալածի պնչինին (քանզի կարծեմ թէ չէք դեռ ևս իմացեալ). սա ուրեմն լռելեայն՝ ելեալ ի Հոսմայ նամսեանն սեպտմբերի և իբրու փախեալ գնացեալ է ի քաղաքն դուրինոյ առ Դուքսն Սափօյիու, որ և երբեմն կոչիւր թազաւոր սիչիլիու (քանզի ի սմանէ յառաջմէ ազդեցեալ էր առ ի գալ առ ինքն) և ընդունեցեալ ի նմանէ մեծաւ պատուով և փառօք, եղեալ է նորին աստուածաբանապետ և գլուխ այնորիկ քաղաքին ազգատէմիու նորակերտեցելոյ ի հոյնոյ իշխանէն. յորմէ և ունի ամենայն ամիս գմուտ և զուս՝ հիկս բազմաց դահեկանաց: Եւ սակս նորին չւման յոյժ ցուեցաւ Սուրբ Հայրապետն և սուրբ ժողովն, նա և զօլէն մեր և զրեթէ բուր Հոսմ իսկ, զի կորոյս զայնպիսի նշանաւոր վարդապետն, որոյ հմտութիւնն որ ի վերայ սբբոց ժողովոց և խորինութիւնն գիտութեանց այնչափ ծաւալեալ և հոշակեալ է ամենեցուն, մինչ զի համբաւն նորին հասեալ էր ոչ միայն առ վերոյասացեալ իշխանն, այլ և առ յազգատէմիայսն անդրաւերինս, այսինքն Ֆրանչիու: Եւ զի թէպէտ նա փախեալ է, զի ոչ է ելեալ ի Հոսմայ հրամանաւ մեծաւորաց (որք և ոչ տային հրաման եթէ գիտանայցէին) սակայն ոչ է ելեալ իբրու ապտամբ և կամ դիտաւորութեամբ ուսուցանելոյ անդէն զիմն ընդ(դ)էմ սուրբ աթոռոյն, կամ զայլ ինչ նման (քաւ լիցի) այլ միայն վասն այսոր պատճառի, զի վասն այնքան իւրոց աշխատանաց և քրտանցն զոր թափեալ է ընդ ամս բազումս ներ շարադրութիւնս գրեանց և յայլ կրթմունս ի յօգուտ սբբոյ եկեղեցւոյն, ոչ էին տուեալ նմա մեծաւորք և զիմն հատուցումն արժանի արդեանց նորին, այսինքն ոչ ևս գտնեալ մին պէնէֆիցիօ. և մանաւանդ զի այլք բազումք օր ըստ օրէ առաջի իբրու աչաց իւրոց առնուն մեծամեծ պէնէֆիցիօ թարց ուրուք արդեանց: Եւ արդ վասն չւման սորին եղև ի զօլէն մեր յոյժ մեծ փոփոխումն վարպետաց, յորմէ և երկնչիմ թէ մի գուցէ լինիցի ինձ փասակար. քանզի ապալածի պնչինն միայն ի յոյժ օգտակար և ջատագով որդւոցն Հայոց...: Յայլուտս նաև լուաք զայս թէ ի կոստանդինուպոլսոյ եկեալ է զիր մի ի դեսպանէն Ֆրանչիու առ ոմն Կարտինալ, զի և նա ընթեռնուցու ի մէջ մեր սուրբ ժողովոյն. և ի գորջն այնորիկ նաև զայս ծանուցանէ, թէ մօնսիյնօր վիճարն վասն բազմաց աշխատանացն և վասն մեծի իւրոյ ծերութեան յոյժ զգեալ է, և ցանկայ ի բաց թողուլ զպաշտօնն վիճարութեան: Վասն որոյ և էլլին այն իբր ի գութ նմա շարժեալ (և կամ մանաւանդ ինքն հանդերց լաթիկանկան ևս ժողովորդեամբ զգեալ ի մօնսինսօր վիճարէն) խնդրէ իբրև միջնորդ և աղաչէ զսուրբ ժողովն զի հանդից ազատել զիայ յայն նեղութենէ, և վերակոչիցէ զնա և փութատանդինուպոլսոյ ի Հոսմ....:

Գերյարգելութեանդ

Գրեցաւ յամի 1719
յերկրորդօրն ցեկտ. ի Հոսմ

(Շաքունյանի)

Նուստ ծառայ
Ստեփանոս Աստուածատուր

Հ. Ղ. ՏԱՅՏԱՆ